

تلفون ۱۰۹۷

امور اداره و تحریریه و اعلانات و سائرہ
ایچون مدیر مشولہ مراجعت ایدلیدر .

عرفای امتک مقالات متصوفانہ لربنہ
جریده صوفیہ نک صحیفہ لری آجندر .
درج ایدلیان اوراق اناده ایدلز .

حجر الایضوف فیہ

شیمدیات هفته ده بر نشر اولتور .

نسخہ سی ۴۰ پاره در .

ابونہ سی : برسنہ لک اعتباریلہ ممالک عثمانیہ
ایچون پشین اولورق ۴۰ آلتی آلتی ۲۰
غروش و ممالک اجنبیہ ایچون اون ایکی فراتدر

عل اداره بابعالی جوارنده ابوالسود
جاده سنده نجم استقبال مطبہ سی

سنہ -- ۴

تصوفی ، دینی ، اخلاقی ، ادبی ، سیاسی جریده اسلامیه در .


عدد -- یوز

(تصوف ده قیل وقال و وجد و حال)

تصوف ، باشلی باشنه بر حکمت شامله در . وجود مطلق ، کائنات
افاقیه و انفسیه ، حقیقت و حیثیت انسانیه کی مسائل غامضه حقنده
آیری آیری مباحثی جامعدر که آنلرک هریری ده کندنجبه بر مجموعه
عقائددر . لکن بتون بومبختلره و بومسائله دائر یازیلن سوله ن شیلر
تصوفک صرف معلومات قسنی تشکیل ایدر . حالبوکه بر انسان
بالکمز علم ایله صوفی اوله ماز ؛ برده (حال) لازمدر . بو حال (جذبہ
من جذبات العشق) منطوقنجه روحک منشاء اصلیسنه علاقه محبتہ
اجذابندن حصوله کلیر خارق العاده بر کیفیت ذوقیه اولدینی ایچون
قاله کلز بر نشئه لاهوتیه در . ایلریده بو حال استغراقی تعریف ایتک
دکل ، فقط اونشہ یه ایریشن آتیلن عرفانک فیض الہام ایله سوله دکلری
اشعار علویہ یی عرض ایلوب ، نصیب اولدینی قدر ذوقه وارہ بیلیمک
ایچون الک اعلا نمونہ لرینی بوراده ایراد و ترجمہ ایدہ جکم .

مع مافیہ تصوفک منحصر علمی بر قسمیده واردرکه - دہمین
عرض ایتدیکم کی - اصل جهت حکمتی در ؛ و حقیقت انشیا بختده
ذهن متفکرہ تبادر ایدن مسائل متفرعہ یی جامعدر . ایشته تصوفک
بو قسمی لایقہلہ موضوع بحث اوله بیلیر ؛ اکلاشیله بیلیر ، اکلاتیلہ بیلیر .
بوسیلہ درکه حضرت شیخ اکبر محی الدین ابن العربی ، حضرت
مولانا جلال الدین رومی ، ملا جامی ، شیخ عطار کی عرفای اهل
حال ، محمود شبستری ، فخرالدین عراقی و امثالی کی شعرای صوفیہ
بر جوق قیمتدار و دلپذیر اثرلر یازہرق بو حکمت شرقیہ نک دقائق
و غوامضی اصولی بر صورتده تعریفہ همت ایله مشلردر . بناء علیہ
تصوف بالکمز حالہ منحصر قالمق لازم کلسه ایدی ، بو ذوات کرام
اوزون اوزادی یه کتاب تألیفہ و مباحث حکم تصنیفہ حاجت کورمز -
لردی . نتکم صوفیہ نک طبقہ اولاسنی تشکیل ایدن اهل خال ، هان
اکثریتله هیچ بر کتاب یازمنہ التفات ایتہ مشلردر .

شو ملاحظتدن لایقہلہ اکلاشیلورکه تصوفده جهت حکمت آیری
وجود حال آیری مطالعہ اولتمق لازم کلیر . فی الحقیقه بو مذهبہ
مقصود اصلی وصال حقدر . او ذوقه وارمق ایچون دلیل اولان



اجلہ عرفای عثمانیہ دن سلانیک والی سابق ناظم پاشا
حضرت تریک انار علیہ لرندن اولان بومنظومہ ایله ایلک نسخہ مزی
ترین ایدہ جکمز کی دیگر لرینی بی دربی عرض انتظار قارین
ایله جکمز .

هر تجلیده برر خارقه ایجاد ایدرم
شعری ناطقہ تحت ایله انشاد ایدرم
بزم ظلمتکہ هیچیده بلا قید وجود
شمعی برق تجلی ایله ایقاد ایدرم
کاه مجلا اولورم جلوہ چهل محضه
کندی بی بیلیمه رک کندیمی ارشاد ایدرم
وقت اولور نشئه فرق ایله دل هشیاری
روش حادثہ عالمه مرصاد ایدرم
وقت اولور نشوء جمعک اولورم مدهوشی
کفر و ایمانی فراموش ایدر الحاد ایدرم
کاه فی الحال اولورم تابع حکم ادراک
کاه ادراکیده حکمه منقاد ایدرم
ذوق پیدر پی تجرید ایله مست اولدنجہ
هر تجلیده برر خارقه ایجاد ایدرم

دییور و بریت ایله (اصول تحقیق) دهکی فرق مهمی بیان و ایضاح ایدیور .

ایشته بو (اصول تحقیق) نقطه نظرندن دخی حکمت صوفیه ایله حکمت فلاطونیه نك اساسلی بر فرقی وارد . افلاطون حواسک شهادتنده شبهه ایدردی . فقط عقلک دلالته قطعاً اعتماد ایدردی . صوفیه ایکسینی ده رد ایدر . یالکز کشف ضمیر ایله نور حقیقتک جلوه سنی کوزلر .

بواساسلی نقطه لری عرض ایندم، فی مابعد بوجریده ده هر هفته منتظماً تفصیلات ویرم جکم .

رضا توفیق

لوامع

ولونضحو منها ثری قبر میت لعادت الیه الروح وانتعش الجسم (نضحو) ضمیری بیت سابقده کی (ندمان) راجعدر . النضج ، باب ثانیدن مصدر اولوب صو سیمک معانسه در (ثری) خالک نما کدر . (الانتعاش) قالقمق معانسه در (الروح والجسم) دهکی الف ولاملر مضاف الیه دن عوضدر . ای لعادت الی میت روحه وانتعش جسمه . تقدیرنده در .

بیوریورده اکر ندیملر بر میتک قبری خالک نما کنه او باده دن بر رشحه صاحبسر ایدی البته اونک مفارقت ایتمش اولان روحی همان وجودینه عودت وایاقدن دوشمش اولان جسمی ده مجرد روحک معادتی سبیله - اهتزاز وحرکت ایدردی .

رباعیه

عاشق نتواند که زمی بر هیزد خاصه زمی که شود عشق انکیز
یکجوره بخاک مرده هر که اذمی بریزد جان درتاش آید زلحد بر خیزد

عاشق ، هیچ بر وقته باده دن خصوصاً شور عشقی تحریک ایدن قسمندن توفی ایلمکه قادر دکلدر زیرا او شرابک بر جرع سنی هر کیم بر میتک طور راغنه دوکش اولسه میت ، همان جانی بدننه عودت ایدرک قبردن قالقار .

لامعه .. حیات ایکی نوعدر . بری حسی ، حیوانی درکه انسان وسائر بتون حیوانات آراسنده مشترکدر . دیکری حیات حقیقی ، روحانی درکه خواص افراد انسانیه مخصوصدر . بوده اوج درجه در . اولکی درجه : جهل و نادانی اولومندن علم و دانش ایله زنده اولمقدر . قال الله تعالی اومن کان میتاً فاحیناه ، بعضیلری بو قول شریفی : ای من کان میتاً بالجهل فاحیناه بالعلم .. دیبه تفسیر بیورمشددر . چونکه جناب حق ، قلب انجق علم واسطه سبیله بیلر و طاورانوب طاب ایتمکه

عشق ماهیتی ایله واقعا تعریفه کلز . فقط موضوع بحث اوله بیلیر . اکر یالکز مبدأ و معاد و سر تکوین بختلرینه تعلق ایدن حکمت مخصوصه نظر دفته آلیرسه تصوف (حکمة الاشراق) دن عبارت قالیر . نصلکه عارف کامل شهاب الدین سهروردی بویه تلقی ایتمشددر . بو حکمتی حقیقه تتبع ایدنلر نهایت قناعت کتورمشلدرکه افلاطون الهینک حکمت نظریه سی دخی بوندن بشقه برشی دکل ایدی . یالکز شوقدرفرق وارددرکه (وجود مطلق) دن بتون شو موجودات اضافیه نك جلوه کر ظهور اولسی امرنده (افلاطون) ، عشقی وسیله ایجاد اوله رق تلقی ایتمه مشدی . حالبوکه حکمت صوفیه ده (محبت ذاتیه ازلیه) علت تکوین اولوق اوزره یک اساسلی بر دستور اعتقادیدر . بوده مهم بر نقطه نظردر . بوندن ماعدا اصول تحقیقه عائد اولوق اوزره یک اینجه فقط یک قیمتی بر فرق دها وارددرکه اوده شودر :

معلومدرکه هر مسلك حکمتده مقصود حقیقی و غایه مترقبه هر وارلنک یکانه استادکاهی و هر دینک الهی اولان او (حقیقت مطلقه) بی بولوق و بیلیمکدر . بو امر عظیم ، تحقیق سز اولماز . تحقیق دخی دلیل سز ، رهبر سز اولماز . واقعا ک برنجی واک صادق دلیل کتا بدر . فقط حکیم مطلق بتون بو کاشانی کندی قدرته بر کتاب مبین اوله رق خلق ایتمشددر . معلومدرکه کاشات آفایه ، علم اجالی الهی اولان لوح محفوظک تفصیلیدر . بز انسانلر بو کتابه معنا و ربوب متنی تفسیر ایتمکه آنجق حکیم اوله بیلیرز . جناب حقه ده حکمتی دیله دیکنه ویرر . اونی تلقی ایتمک ایچون بزم اوج واسطه مز وارددر ؛ یعنی حقیقت اشیا بی اوج بولدن تحقیق ایده بیلیرز : برنجیسی عقل بولی در ؛ ایکنجیسی حواس بولی در ؛ اوجنجیسی کوکل بولی در . حکمت صوفیه حقیقت بختنده عقلک دلالته اعتماد ایتمز ؛ زیرا عقلک اصول تحقیق منطق وادیسیدر بونک حدود معینه سی وار . بو حدود خارجنده عقل ، هم اعمی در هم ده کوتورومدر . حالبوکه آرادیفمز و بولوق ایسته دیکمز حقیقت مطلقه ، منطقک حدودی خارجنده در . بناء علیه :

« بن عقلدن ایسترم دلالت »

« عظم بکا کوستریر ضلالت »

ده دن قوجه فضولی تصوف سیاق نظر نجه بر مهم سوز سویله مش و حقیقت بختنده عقله اعتماد ایدن اصولیونی رد واستخفاف ایله مشدر . ثانیاً صوفیه عندنده حواسک شهادتنده قطعاً اعتبار بوقدر ، چونکه بزم حسلریز قدر حقه باز ویلانجی برشاهد وقوعات اولماز . دیمک اولیورکه شایان اعتماد اولوق اوزره یالکز اوجنجی واسطه اولان کوکل قالیور . ایشته تصوف انجق کوکلک صدق الهامته اینانیر . کشف ضمیر دیدکلری بودر . فیضی هندی :

درکشف حقایق سبق آموز ضمیرم

ترتیب دلیل حکما را نشنا سم . []

[*] حقایق کشفنده بز ، کوکلردن درس اوکر نمیزدر . حکماک مسلسل و منطق دلیل ترتیب ایتمکدن عبارت اولان اصول تحقیقی بیلیمه بز ، طایماز دیمکدر .